

ԱՐՏԱՄԱՀՄԱՆՈՒՄ ՃԱՆԱՊԱՐՀՈՐԴՈՒԹՅԱՆ ՄԵՋ ԳՏՆՎՈՂ ԱՆՁԱՆՑ
(ԱԶԱԿՑՈՒԹՅԱՆ) ԱՊԱՀՈՎԱԳՐՈՒԹՅԱՆ ԾՐԱԳՐԵՐ

Ծրագրեր Ծառայություններ	EASY	COMFORT	VIP
Բժշկական ծախսերի վճարում	V	V	V
Բժշկական հաստատություն տեղափոխման ծախսեր	V	V	V
Հայրենադարձում մահվան դեպքում	V	V	V
Շտապ հաղորդագրությունների ուղարկում	V	V	V
Շտապ ատամնաբուժական օգնության վճարում	V	V	V
Իրավաբանական օգնության տրամադրում		V	V
Տրանսպորտային ծախսեր		V	V
Ուղեբեռի վերադարձ և ուղարկում այլ հասցեով			V
Օգնության ցուցաբերում փաստաթղթերի կորստի կամ առևանգման դեպքում			V
Քաղաքացիական պատասխանատվության ապահովագրություն			V

ՄԱՏՈՒՅՎՈՂ ԾԱՌԱՅՈՒԹՅՈՒՆՆԵՐ

1. ԲԺՇԿԱԿԱՆ ԾԱԽՄԵՐԻ ՎՃԱՐՈՒՄ

Ապահովագրողը երաշխավորում է շտապ, անհրաժեշտ և նպատակային բժշկական, հիվանդանոցային և վիրաբուժական ծառայությունների վճարում, որոնք մատուցվել են Ապահովագրված անձին բժշկի կարգադրությամբ՝ դժբախտ պատահարի հետևանքով ստացված մարմնական վնասվածքների, ինչպես նաև Պայմանագրի գործողության ժամկետի ընթացքում հանկարծակի և անսպասելի պատահած հիվանդության բուժման նպատակով:

2. ԲԺՇԿԱԿԱՆ ՀԱՍՏԱՏՈՒԹՅՈՒՆ ՏԵՂԱՓՈՒՄԱՆ ԾԱԽՄԵՐ

Ապահովագրված անձի տեղափոխում դեպքի վայրից մոտակա հիվանդանոցներից մեկը: Համապատասխան բժշկական ուղեկցությամբ Ապահովագրված անձի էվակուացում վերջինիս մշտական բնակության վայրի օդանավակայանին ամենամոտ գտնվող հիվանդանոց, որի հետ առկա է ուղիղ միջազգային հաղորդակցում, եթե նրա վիճակը թույլ է տալիս նման էվակուացում:

3. ՀԱՅՐԵՆԱԴԱՐՁՈՒՄ ՄԱՀՎԱՆ ԴԵՊՔՈՒՄ

Ապահովագրված անձի մահվան դեպքում Ապահովագրողը երաշխավորում է վճարել հանգուցյալի հայրենադարձման և դիախերձման, միջազգային տեղափոխությանը համապատասխանող դագաղի, ինչպես նաև մահացածի մշտական բնակության երկրում նախատեսված հողարկավորության վայրին ամենամոտ օդանավակայան (որի հետ առկա է ուղիղ միջազգային օդային հաղորդակցում) դիակի տեղափոխության համար նախատեսված ծախսերը:

4. ՇՏԱՊ ՀԱՂՈՐԴԱԳՐՈՒԹՅՈՒՆՆԵՐԻ ՈՒՂԱՐԿՈՒՄ

Ապահովագրողը երաշխավորում է Ապահովագրված անձին կամ նրա շահերը ներկայացնող անձին Ապահովագրական պատահարի հետ կապված շտապ հաղորդագրությունների ուղարկման հնարավորության ապահովումը Սպասարկող ընկերությանը դիմելու պահից 24 ժամվա ընթացքում:

5. ՇՏԱՊ ԱՏԱՄՆԱԲՈՒԺՄԱԿԱՆ ՕԳՆՈՒԹՅԱՆ ՎՃԱՐՈՒՄ

Ապահովագրողը երաշխավորում է սուր ատամնացավի առաջացման դեպքում և դժբախտ պատահարի հետևանքով ստացված վնասվածքների դեպքում շտապ ատամնաբուժական օգնության վճարում, սակայն Ապահովագրողի պատասխանատվության գումարը ատամնաբուժական մեկ ապահովագրական պատահարի գծով բոլոր այցերի համար չի կարող գերազանցել 250(երկու հարյուր հիսուն) ԱՄՆ դոլլարին համարժեք ՀՀ դրամը՝ բուժօգնության վճարումը կատարելու օրվա դրությամբ ՀՀ ԿԲ հրապարակված փոխարժեքով:

6. ԻՐԱՎԱԲԱՆԱԿԱՆ ՕԳՆՈՒԹՅԱՆ ՏՐԱՍՄԴՐՈՒՄ

Եթե անհրաժեշտության դեպքում ապահովագրված անձն ի վիճակի չէ ինքնուրույն կապ հաստատել իրավաբանի հետ, Ապահովագրողը երաշխավորում է նման կապի հնարավորության ընձեռում՝ Ապահովագրված անձի կողմից իրավաբանի ծառայությունների համար ինքնուրույն վճարելու պայմանով:

7. ՏՐԱՆՍՊՈՐՏԱՅԻՆ ԾԱԽՍԵՐ

7.1. ԵՐՐՈՐԴ ԱՆՁԻ ԱՅՅՆ ԱՐՏԱԿԱՐԳ ԻՐԱՎԻՃԱԿԻ ԴԵՊՔՈՒՄ

Եթե միայնակ ճանապարհորդող Ապահովագրված անձի հիվանդանոցում գտնվելու ժամանակը գերազանցում է 20 (քսան) օրը, ապա Ապահովագրողը ծածկում է Ապահովագրված անձի բարեկամներից մեկի երկկողմանի ուղղությամբ (մշտական բնակության վայրի հետադարձով) էկոնոմ կարգի տոմսերի ծախսը: Բարեկամի՝ արտերկրում գտնվելու ծախսերն Ապահովագրողը չի հոգում:

7.2. ՎԱՂԱԺԱՄԿԵՏ ՎԵՐԱԴԱՐՁ

Հարազատի հանկարծամահության դեպքում Ապահովագրողը երաշխավորում է Ապահովագրված անձի վաղաժամկետ վերադարձի կազմակերպում և վճարում այն դեպքում, երբ Ապահովագրված անձը վերադարձնում է վերադարձի չօգտագործված տոմսը (կամ նրա արժեքը) Ապահովագրողին կամ Սպասարկող ընկերության ներկայացուցչությանը:

7.3. ԵՐԵՖԱՆԵՐԻ ԷՎԱԿՈՒԱՑՈՒՄ

Եթե Ապահովագրված անձի հետ պատահած դժբախտ պատահարի կամ հիվանդության հետևանքով նրա հետ ճանապարհորդող անչափահաս երեխաները մնացել են առանց խմանակալի, Ապահովագրողը երաշխավորում է նրանց տուն վաղաժամկետ վերադառնալու կազմակերպում և վճարում:

8. ՈՒՂԵՔԵՏԻ ՎԵՐԱԴԱՐՁ ԵՎ ՈՒՂԱՐԿՈՒՄ ԱՅՆ ՀԱՍՑԵՈՎ

Ուղեբեռի տակ հասկացվում են Ապահովագրված անձի՝ ուղևորության ընթացքում Հայաստանի Հանրապետության տարածքից դուրս փոխադրվող անձնական իրերը. ինչպես փոխադրող կազմակերպությանը հանձնած ուղեբեռն, այնպես էլ ձեռքի ծանրոցը:

Ուղեբեռի կորստի դեպքում ապահովագրական գումարը փոխհատուցվում է ուղեբեռի իրական արժեքի չափով, բայց չի կարող գերազանցել սույն Պայմանագրով սահմանված 500 (հինգ հարյուր) ԱՄՆ դոլլարին համարժեք ՀՀ դրամ (հաշվարկված ուղեբեռի կորստի օրվա դրությամբ ՀՀ ԿԲ կողմից հրապարակված փոխարժեքով):

Ուղեբեռը համարվում է ապահովագրված միայն չվերթային տրանսպորտից օգտվելու ընթացքում: Չվերթային տրանսպորտից դուրս ուղեբեռի կորստի կամ դրան հասցված վնասի համար Ապահովագրողը պատասխանատվություն չի կրում:

9. ՕԳՆՈՒԹՅԱՆ ՑՈՒՑԱՔԵՐՈՒՄ ՓԱՍՏԱԹՂԹԵՐԻ ԿՈՐՄՏԻ ԿԱՄ ԱՌԵՎԱՆԳՄԱՆ ԴԵՊՔՈՒՄ

Ապահովագրողը երաշխավորում է Ապահովագրված անձին օգնություն ցուցաբերել կորած փաստաթղթերի (անձնագրի և չվերթային տրանսպորտի տոմսերի) փոխարեն նոր կամ ժամանակավոր փաստաթղթերի ստացման համար անհրաժեշտ հայտերի ձևակերպման և դրանց առաքման կազմակերպման մեջ:

10. ՔԱՂԱՔԱՑԻՍԿԱՆ ՊԱՏԱՄԽԱՆԱՏՎՈՒԹՅԱՆ ԱՊԱՀՈՎԱԳՐՈՒԹՅՈՒՆ

Սույն բաժնով ապահովագրական պատահար է համարվում Ապահովագրված անձի կողմից երրորդ անձանց կյանքին, առողջությանը և/կամ գույքին պատճառված վնասն այն իրադարձության արդյունքում, որը տեղի է ունեցել Պայմանագրի գործողության ժամկետի ընթացքում Ապահովագրված անձի կողմից արտասահմանում գտնվելու ընթացքում: Երրորդ անձանց կյանքին, առողջությանը և/կամ գույքին վնաս պատճառելու փաստը պետք է հաստատված լինի դատական որոշմամբ կամ Ապահովագրված անձին պաշտոնապես ներկայացված գույքային պահանջով:

**“ՌԵՍՈ” ԱՊԱՀՈՎԱԳՐԱԿԱՆ ՓԲԸ ԳՈՐԾՐՆԿԵՐ ԱԶԱԿՑՈՂ
ԸՆԿԵՐՈՒԹՅՈՒՆՆԵՐ**

- ✓ “AXA Assistance” (ամբողջ աշխարհ, բացառությամբ ԱՊՀ երկրների)
- ✓ “CORIS” (ամբողջ աշխարհ)

**ԱՊԱՀՈՎԱԳՐԱԿԱՆ ՊԱՏԱՀԱՐՆԵՐԻ (ՀԱՅՏԵՐԻ) ՆԵՐԿԱՅԱՑՄԱՆ
ԿԱՐԳԸ**

- ✓ Ապահովագրության վկայագրի հետ տրամադրվում են “AXA Assistance” (ամբողջ աշխարհ, բացառությամբ ԱՊՀ երկրների) և “CORIS” (ամբողջ աշխարհ) աջակցող ընկերությունների հեռախոսահամարները:
- ✓ Ապահովագրական պատահար տեղի ունենալու դեպքում Ապահովագրված անձը կամ նրա լիզորած անձը պետք է մինչև բուժհաստատություն դիմելը առաջին իսկ հնարավորության դեպքում զանգահարի աջակցող ընկերության հեռախոսահամարով՝ հայտնելով հետևյալ տեղեկությունները.
 1. Ապահովագրված անձի անուն, ազգանուն,
 2. Ապահովագրական ընկերության անվանումը,
 3. Ապահովագրության պայմանագրի համարը,
 4. անհրաժեշտ օգնության բնույթը,
 5. գտնվելու վայրը և հեռախոսահամար՝ հետադարձ կապի համար:

**ԱՊԱՀՈՎԱԳՐՈՒԹՅԱՆ ՎԿԱՅԱԳՐԵՐԻ ԿՆՔՄԱՆ ՆՎԱԶԱԳՈՒՅՆ
ԺԱՄԿԵՏԸ**

- ✓ Ապահովագրության վկայագրերը կնքվում են 3 օրից ոչ պակաս ժամկետով:

ԱՊԱՀՈՎԱԳՐՈՒԹՅԱՆ ԳՈՐԾՈՂՈՒԹՅԱՆ ՏԱՐԱԾՔ

- ✓ Ապահովագրությունը գործում է աշխարհի բոլոր երկրներում, բացառությամբ՝
 1. Հայաստանի Հանրապետության և Լեռնային Ղարաբաղի հանրապետության տարածքների,
 2. ապահովագրված անձի մշտական բնակության երկրի,
 3. պատերազմական դրության մեջ գտնվող երկրների,
 4. այն պետությունների, որոնց նկատմամբ կիրառվում են ՄԱԿ-ի տնտեսական և/կամ ռազմական սանկցիաները,
 5. այն տարածքների, որոնց սահմաններում Պայմանագրի ուժի մեջ մտնելուց հետո հայտնաբերվել և ճանաչվել են համաճարակների օջախներ:

ԱՊԱՀՈՎԱԳՐՈՒԹՅԱՆ ՎԿԱՅԱԳՐԵՐԻ ՎԱՂԱԺԱՄԿԵՏ
ԴԱԴԱՐԵՑՄԱՆ ԿԱՐԳԸ

Պայմանագիրը կողմերից մեկի նախաձեռնությամբ վաղաժամկետ լուծելու դեպքում Ապահովագրավճարի վերադարձն իրականացվում է հետևյալ կերպ՝

ա) եթե Ապահովադիրը հրաժարվում է Պայմանագրից գործողությունը սկսվելու օրվանից առաջ, ապա Ապահովագրողը վերադարձնում է Ապահովադիրին վճարված ապահովագրավճարը՝ մասհանելով 1 000 (մեկ հազար) ՀՀ դրամի գործավարման ծախսեր,

բ) եթե Ապահովադիրը հրաժարվում է Պայմանագրից՝ վերջինիս գործողությունը սկսվելու (Ապահովագրողի համար հատուցման պարտավորության համար անհրաժեշտ պայմանների առաջացման, ճանապարհորդության սկսվելու) օրվանից հետո՝ ապահովագրավճարի վերադարձ տեղի չի ունենում: